

CANCHON NATURELLE REGIONALE ED PICARDIE

(A pérpos d'éch péro et pi d'éch qui y'éreu à l'intour)
 air : coér à foaire...
 d'apreu G. Servat.

Cette chanson est extraite de CH'LANCHRON, éch jornal picard
 CH'LANCHRON, 5 route éd Belloé, Bourseville 80130 FRIVILLE .

ÉRFRAIN :

Évneu vir, a n'est point tché,
 Chés Picards in bourgerons ;
 Évneu vir, i y'én a coér,
 Les Picard' in vrais cotrons.

---oooOooo---

Vu qu'oz étoèmes éd trop betes
 Pour noz atriveu des sous,
 A Pérès, chés technocrètes
 Il ont décidé pör nous.
 Ichi o frons eun' réserve,
 A ramaro des millions,
 Chor-race i feut qu'o l'présérve,
 , feut protégéu chés cons.

---oooOooo---

A foait trouos ans qué chl'affoaire
 In s'cret il l'ont prépérée ;
 Nous qu'oz éroèmes du l'savoér
 , n'l'ons seu qu'l'énée passée.
 Jin quiqu' temps, din chés commeunes,
 Des minteux in bieùx habits
 Qui vo prométté la -leure
 I varons din chés mair'ries.

---oooOooo---

Chés conseilleux pi chés maires
 I s'ront tél'mint ébleuhis,
 Éq sans tracheu des histoères
 D'eun' seul' vouo i dirons 'Oui'.
 I feut continteu tout l'mon-ne,
 Chés manchons pi chés cacheux,
 Feut point qu'échl' harnu i gronde :
 Feut ménageu chés voteux.

---oooOooo---

Mers i r'joindro chés bassures,
 A n'impéqu'ra point ch'béton,
 Y'éro des pérès à voétures,
 Des horzains à pécaillons.
 Pi pour chés batieùx à voèles,
 Des bieùx plans d'leù pour chés gros,
 Édz' hotéls à chonq étoèles,
 Des campinj' tous les chint pos.

---oooOooo---

Mérilin i fro des affoaires
 Pi Monssieu Mamouth étou,
 Chés moégneux du Mérquintérre
 I s'ront céléb' tout partout.
 Ché sro étou "tchulturél-le"
 Pour o y'éro des moésons
 A d'où qu'o vindreu à l'pèlle
 Des intrées d'éspositions.

---oooOooo---

Y'ére des séryes picardes
 Espré pour chés Périsièns
 In habilur' "campagnarde",
 Seulmint chu fièn i sro d'din.
 Des jux picards su chés plaches,
 Dot-tchuisine éd Picardie,
 Des cirtchuits áchi-amache
 Flétchès pour chés ahuris.

---oooOooo---

In sabots, chés périsiènnés
 I varons foair' dop-potrie ;
 I varons ticheu dol-laine
 Pi aflateu chés bérbis.
 Chu Picard il est-honnête,
 Si ch'visiteux din sin gron
 I li plote eun' cacahuète
 I li cantro s'pieut' canchon.

---oooOooo---

Tant qui li sont, n'ont qu'à foaire
 Un musée in viu torchis
 D'où qu'i mèttrons chés grand'mères
 In vitrine, in viux habits.
 Y'o étou l'cleù d'échl'affoaire,
 A quiqu' tchilomét' d'ichi :
 Eun' CHINTRALE au nuckaire
 Edsu l'falése éd Pinly.

---oooOooo---

Um bieù Pérc, a s'inaudjure,
 I y'éro chés députés,
 Ech minisse éd la Vêrdure
 Aveuc ses cisieux dorés.
 Él pir' ch'est qu'est bièn in route
 Sans qu'parson-ne i n'euch' rièn dit,
 Ch'est-ti qu'ichi o s'incroute,
 Qu'oz est pu con qu'à Pérès ?

---oooOooo---

O poroém' coér gramin dire,
 O n'éroém' jamoais fini ;
 Em pieut' canchon al éspire,
 Est asseu long pour in-n'huil.
 No poéyi, n'main o t'matchille
 Pour vin-ne à chés Périsièns :
 Wardé sarées tes gambilles,
 Ch'est comme eu qu'o t'aimons bièn.

---oooOooo---

FLORIMOND DU BOUT D'AMONT
 (Borséville, in Vimeù.)